

KNY-18-00883

P A N E G Y R I C U S
D I V I S
C O S M A E ET **D A M I A N O**

ARTIS MEDICAE TUTELARIBUS
IN ACADEMICA S. J.
ÆDE S. JOANNIS BAPTISTÆ
C O R A M
S. P. Q. ACADEMICO DICTUS,

D U M
INCLYTA FACULTAS MEDICA
TYRNAVIENSIS
EORUND E M
DIVORUM TUTELARIUM
CELEBRITATEM ANNUAM SOLENNI RITU IN-
CHOARET,

Deferente

PERILLUSTRI AC CLARISSIMO DOMINO
JACOBO JOSEPHO WINTERL.,
AA. LL. ET MEDICINÆ DOCTORE
Chemicæ, & Botanicæ P. P. & Ordinario, nec non Inclytæ
Facultatis Medicæ id temporis
DECANO SPECTABILI,
ORATORE

IGNATIO SCHWEGER, ejusdem Artis sa-
luberrimæ Auditore.

*Anno a Partu Virginis M. DCC. LXXIII.
Die V. Septembris.*

T Y R N A V I Æ
TYPIS COLLEGII ACADEMICI SOC. JESU.


ПАИКАРІЧЕСТВІ
ДІЛІЗ

КОГАНІА СІМІО

КНУ-18-00883



ДІЛІЗІА СІМІО ТА КІНІСІ



O R A T I O.

Statis cumulateque exploratum habeo AA. neminem adhuc eorum, qui de Divorum suorum Tutelarium laudibus, pro more institutoque majorum, quotannis ex hoc loco ad Vos verba facturi erant, adeo ab officio suo discessisse, quin omni animi contentione ac studio, quidquid jam inde ab ineunte ætate cum facultatis, tum ornamentorum in dicendo sibi comparaverat, hoc potissimum loco atque tempore in medium proferre adlaborasset. Enimvero tria vel maxime, quæ Oratorem ad dicendum accedentem eo impellunt, esse existimō, primum rerum oratione persequendarum magnitudinem, tum audientium dignitatem, ac denique loci ipsius, quo Oratorem consistere oportet, amplitudinem. Ad primum eorum advertenti mihi animum tanta ac tam multiplicia se se Divorum CO-SMÆ ac DAMIANI Tutelarium nostrorum offerunt præclara facinora, ut quam potissimum illorum partem pro oratione desumere, unde dicendi exordium

◎ ◎ ◎

facere, ubi consistere, finemque me facere oporteat,
haud quamquam dispiciam, eodemque tempore mihi
ingenio, ac doctrina siqua illa est, in rerum tam il-
lustrium admirabili varietate periclitandum sit. Ne-
que id quidem immerito, nam sive ad morum inte-
gritatem, sive numerosum virtutum pulcherrimarum
comitatum, innumeraque alia animi ornamenta, quibus
Divi hi Fratres, velut invicto adversus omnes vitæ hu-
jus in tam ancipiti semper, ac propinguo discrimine
versantis insidias præsidio instructi erant, oculorum
aciem convertam, tanta illa esse omni ex parte depre-
hendo, quanta nemo, nisi temeritate inductus, ver-
bis asssecuturum se speraverit: sive etiam rerum ab
ipsis gestarum numerum, rationemque inire aggre-
diar, dubitare profecto non possum, fore, ut prius
me tempus deficiat, quam vel ad dimidium in enar-
rando fuero progressus. Ut adeo in isthac rerum nu-
merosissimarum serie atque apparatu non minus me
de eo, quid potius dicturus essem, sollicitum esse
oporteat, quam si ad id genus argumentum descen-
dissem, in quo ob rerum dicendarum inopiam, quod
ad pertractandum traduci possit, suppeteret nihil.
Quodsi porro AA. & amplissimam Vestram in Republ.
Literaria dignitatem, & doctrinam ex omni Scientia-
rum genere incomparabilem, & summam Vestri Ordini-
nis auctoritatem ob oculos ponam, toto mihi pecto-
re enitendum esse intelligo, nihil ut dicam, quod vel
inconditum sit, vel a vero etiam alienum. Si deni-
que loci, in quo Orator assurgo, amplitudinem cir-
cumspiciam, ea perinde non parum mihi perturba-
tionis adferre posse videtur; Tyrnaviæ enim res agi-
tur, antiquo jam Artium amœniorum juxta ac subli-
mio-

◎ ◎ ◎

miorum Domicilio, cuius ad claritatem, splendoremque ne quid a posteris desideraretur, immortalis AUGUSTISSIMÆ nostræ PRINCIPIS in Literas Amor ac Munificentia præstítit. Quæ cum ita sint, cumque singula paulo curatius mecum expenderem, tanta animum sollicitudo perculit, absuerit ut prope nihil, quin omnem mihi delatam dicendi provinciam deprecarer. Verum enim vero non mediocriter me Vesta illa singularis Liberalitas recreat, ac Prudentia, qua factum iri mihi persuadeo, ut tametsi neque ea sim doctrina & ingenio, ut ad præsentis diei celebritatem parem eloquentiæ vim, majestatemque adferre valeam, neque ad eam etiam pervenerim ætatem, quæ mihi gravitatem in dicendo cum auctoritate conciliet: nihil tamen secius officio meo nusquam deesse adnitar, bene gnarus, ita Vos natura comparatos esse, ut, si quid humilius vel strictius dixero, id non tam mihi, quam rerum dicendarum magnitudini, quam nemo verbis pro dignitate exæquaverit, sitis imputaturi.

Quam ob rem, ut in tam vasto rerum amplissimarum Oceano, non plenis, ut ajunt, velis mea ingrediatur Oratio, ne videlicet suo excidat cursu, ex omnibus quæ in vita Divorum horum non sine ingenti animi admiratione nobis se se præbent conspicua, unam potissimum Virtutem hodierna die mihi visum est laudibus, pro eo, ac par est, efferre, quæ & illorum vitam post hominum memoriam vel maxime illustrem reddidit, & a saluberrimi Studii Medici Cultoribus ex omni omnium retro sæculorum memoria ad hæc usque tempora exercetur, & meo vel maxime proposito accommodatissima ante alias esse vide-

batur. Quæ jam vero illa est AA? Fortitudine ani-
mi, atque invictum robur, quo ad blandientis for-
tunæ fucos perinde ac terrentis minas, cruciatusque,
ac mortem ipsam pro tuendo, confirmandoque novo
veri Numinis cultu, ac lege perstitere immobiles? mi-
nime id quidem; quippe quæ unicilibet eorum, qui
pro novæ legis Auctore se suaque cuncta ad extrema
quæque subeunda devoverant, est communis. An il-
libatus pudor? haud quaquam; nam quamvis hunc
etiam Divi nostri ad reliquum Virtutum suarum co-
mitatum adjunxerint; tantum tamen abest, ut illius
ornamento, ac splendore summam actionum suarum
coronatam voluerint, ut ad altius etiam virtutum fa-
stigium eluctari conati sint. Quid adeo sublimius his-
ce credemus AA? vitaen in silvis, atque a mortali-
um conscientia seductis, inaccessisque latebris exactæ
fama? istud vero ne tum quidem, dum ad extrema
supplicia quærebantur, in animum admiserunt. Sed
quid ego diutius animos Vestros expectione suspen-
fos detineo? illa, illa Tutelarium Divorum Virtus
erat primaria, qua neque supremo rerum Arbitro
quidquam acceptius, neque societati generis huma-
ni utilius quidquam aut cogitari, aut fingi potest:
quam si ex hominum animis sustulisti, solem cœlo,
spiritum vivis, naufrago tabulam eripuisti: Virtus,
quæ aliorum afflictis rebus commovetur, secundis co-
natibus & successibus favet, delectatur, opitulatur,
consilio, opibus, juncta opera: atque ut omnia uno
complestar vocabulo, Amor erga mortales, Amor in-
quam, qui hominem DEO quam proximum, simillim-
umque efficit, quique totius nostræ felicitatis est
fundamentum: tolle enim amorem; sustulisti gratiam,
offi-

❧ ❧ ❧

officia, atque mutuum omne inter vivos commer-
cium: tolle amorem; evertisti sanctissimarum legum
auctoritatem, æqui bonique procreationem, & quæ
ex hisce ultro consequuntur. Hoc sublato gratiam
invidia, spem desperatio, pacem tumultus excipiunt,
bona denique universa in transversum aguntur. Hunc
itaque amorem, quo bini isti alienæ salutis Amatores
adeo incensi abreptique erant ita Vobis hodie proponere
satagam AA. ut in prima Orationis meæ parte sum-
mum, interminatum in altera commonstrem fuisse:
quod dum exequi pergo, differenti pro ea, qua estis,
humanitate animum ad singula addicite.

Quæ in summum, consummatumque amorem
cadunt, quæque ab eodem abesse nequaquam possunt,
nisi me omnia fallunt, hæc sunt: ut ad omnes morta-
les æquabiliter pertineat, ut in summi eorum boni
procuratione & conservatione versetur, vt ne inde
commodi aut lucri quidquam in se redundare studeat:
quod si secus fit, ad fastigium amoris hujus perveni-
tur nunquam. Unde conficitur ei, qui ad memora-
tam virtutem exercendam animum adjicit, ita in illa
versandum esse, ut ne uni plus deferat præ altero, sed
æquali cunctos affectu atque officio complectatur: in
bono vero ipsorum procurando, promovendo, & con-
servando ita se præstare debet, ut nulli labori parcere,
nullo incommodorum, quin ne periculorum quidem ob-
staculo retrahi velit, sed primo quoque tempore mu-
neris sui partes obire, adnitatur. Idcirco si Divi Tu-
telares nostri eo amoris affectu genus humanum ita
complexi sunt, ut nihil antiquius haberent, quam bo-
norum omnium, quæ DEUS T. O. M. nobis in hac
re-

❧ ❧ ❧

rerum universitate concesserat usurpanda, bonum maximum procurare, & ita procurare, ut neque aut ordinis, aut sexus, aut ætatis habito discrimine favorem diversum deferrent, neque laboris quidquam in procurando, quantum necesse erat, subterfugerent; neque etiam ex hominum commodis utilitatis quidquam in se derivare conarentur: dubitari profecto non poterit AA. quin summus in iis erga genus humanum Amor exstiterit. Quod equidem quam manifestis indiciis ostendi, evincique possit, satis superque nos intellecturos existimo, ubi adverterimus ad id animum, ut quam potissimum viam ad ea, quæ paulo antea in medium attuli, præstanta iniverint, cognoscamus.

Divi COSMAS & DAMIANUS Ægea Arabiæ Oppido oriundi, ut primum vocis per ætatem rationisque usum adepti sunt, nihil in vita potius habuerant, quam ut bonarum Artium studiis operam, quam possent maximam, addicerent, in quibus etiam tantos progressus utrumque Divum Fratrem fecisse memoriae est proditum, ut in omni amoeniorum literarum genere, ac Philosophia primas inter suos tenerent. At posteaquam ex hisce sibi quidem magis, quam aliis, utilitatem enasci atque accrescere perspexerant, in eam tandem concesserunt sententiam, ut ambo illi sese scientiæ dederent, cuius ope aliorum vel maxime commoda valerent promovere. Innumera hic sane erant AA. quæ desiderio tam pulchro tamque singulari satisfacere posse videbantur, legum videlicet divinarum, humanarumque ediscendarum scientia, vel opum juste conquirendarum atque in egenos munifice elargiendarum oeconomica rei familiaris industria, vel si ad Rempublicam accedentes
Con-

270

consiliis optimis publicam civium felicitatem augerent,
firmarentque, sexcentaque id genus alia. Verumta-
men et si hæc omnia pro incolumitate societatis hu-
manæ stare perspiciebant, votis eorum minime suffe-
re. Quod igitur vivendi genus magis arrisit? quid his-
ce allatis dignius, atque ad propositum suum accommo-
diatus iis esse videbatur? Ars Medica AA. qua in uni-
ca sui se voti compotes futuros autumabant: quid ita?
at intelligitis, opinor, quorsum mea jam spectet Oratio;
ita profecto res habet; nam si per singula salutaris hu-
jus artis attributa ire velimus, nihil me hercle! eorum,
quæ ad summum in genus humanum amorem paulo
ante facere contendimus, reperire erit, quod ab Arte
Medica divinitus nobis concessa non proficiuceretur in
mortales. Atque ut in primo statim eorum consista-
mus, quis vestrum aut omnium illorum est, qui vi-
tæ humanæ commoda sibi ex aſſe perspecta habent, qui
non unicum eorum fundamentum vitam ipsam esse
sibi persuadeat? cuius ubi jaſturam ſemel fecimius, uni-
versa ſimul ac ſemel vitæ hujus bona nobiscum damno
irreparabili perierunt. Neminem vero eorum, qui in
hac corona conſederunt, adeo in ſcientiarum natura
peregrinum esse reor, quem fugiat, ſolam ex omnibus
Liberalibus Artibus effe medendi peritiam, quæ tanti
boni amittendi periculo occurrere queat, vitam, vale-
tudine a morbis vel vindicata, vel præſervata, deſen-
dendo. Quippe ego neminem unum effe ſuſpicor,
qui non aut ex aliis intellexerit, aut in literarum mo-
numentis repererit, aut etiam propriis oculis ſeu in ſe
ipſo, ſeu in alio uſurparit, vitam humanam ſæpenu-
mero ſæviſſimorum, ac deleteriorum morborum vehe-
mentia jam ad ipsa mortis limina proturbatam ope her-

❧ ❧ ❧

barum, ceterarumque rerum naturalium, quas adorandum Numen hos in usus condiderat, in pristinum suum statum fuisse restitutum. Id ipsum jam olim fabulosa Græcorum Antiquitas haud inverosimili elegansimoque commento confirmavit, dum finxit Æsculapii Arte Hyppolitum ab equis suis, curru per devia in præceps acto, misere disceptum a morte ad vitam rursus fuisse revocatum. Et vero si ingeniosæ huic fabulæ velum detrahatur, liquido, me judice, apparebit, Æsculapium huncce fuisse, non Deum aliquem, non Apollinis nescio cuius filium, sed hominem in medicina ægris facienda tam peritum, quam qui maxime: Hyppolitum vero non ab equis disceptum, non e se pulchri tenebris ad lucem multis post diebus protractum, sed ægrum corporis malorum vi lectulo affixum, atque ulteriori vita fruendi spe tantum non omnino destitutum: equos denique currum per avia raptantes quid aliud sibi velle dixerimus, quam effrænes, concitatasque ægritudines, impotens mortale corpus, cui anima veluti vehiculo cuidam insidet, deplorandum in modum non raro convulsum, divexantes turbatisque ejus actionibus, quæ ad naturam, vitam, commerciumque ejus cum anima faciunt, in mortis confinia provoluentes, adeo, ut nisi Æsculapius aliquis temporis adfuerit, de vita conclamatum sit. Quapropter, si Medicæ Artis in hoc malorum genere a nobis propulsando tanta est vis, ac præstantia, dubium superesse nullum potest, quin Divi Tutelares nostri Amorem erga genus humanum incredibilem foventes medendi Artem amplexi, viam quam maxime idoneam ad maximum mortalibus bonum procurandum iniverint. Quam vero in procreatione hujus boni se se ab omni lucro, & emolumen-

❧ ❧ ❧

Iumento temporaneo comparando alienos exhibuerint, existimavi, me operæ pretium haud facturum, si oportere id evincere contenderem; cum inter Scriptores rerum ab his Divis gestarum satis conveniat, illos neque honorum consequendorum ambitione unquam fuisse ductos, neque accumulandarum divitiarum aviditatem ostendisse. A priore utique lucri genere proprio suo instituto prohibebantur. Opum autem congerendarum studium quantum ab iis absfuerit, vel ex eo primum est aestimatione metiri, quod, posteaquam supremum diem obiissent, ἀναγνώσεω argento carentium nomen sint adepti. Quid jam porro, his exemptis, esse queat, quod in calamitosa hac vita in lucro ponendum sit, quodque magis ab illis expeti potuisset, ego profecto reperio nihil.

Reliquum etiam foret AA. ut ostenderem, Divorum COSMÆ & DAMIANI summum in homines Amorem ad totum humanum genus, quantum in ipsis erat, pertinuisse; nisi id alioquin ex Artis Medicæ natura primum esset colligere, quæ omnem suum scopum, non in imaginariis impotentium animorum titulis, non in aspeçtabili amplissimorum Ordinum dignitate, non in palatiis, magnificoque divitiis affluentium apparatu, sed in sola corporum humanorum, myriadibus ægritudinum obnoxiorum, conditione miseranda præfixum habet: hac de re proinde ne verbum amplius. In procurando autem tanto bono, quantum est judicio omnium vita nostra, quoniam fieri non potest, ut non labores plurimi, plurimaque incommoda sustinenda illis se offerant, qui se procuratores illius esse profitentur, non absre erit transitum facere ad ea, si non omnia,

❧ ☽ ❧

ast graviora tamen, quæ procreationem hanc boni maxi-
mi comitantur, ut tanto etiam luculentius Divorum
nostrorum in summo amore magnitudinem assequamur.
Si quis forte est, qui rem tam apertam, tamque o-
mnium opinionibus atque longissimo rerum usu perva-
gatam, in dubium etiam trahere videatur, consideret ille
secum, velim, quid sit, quod ad valetudinem morbo-
rum vi dejectam, ac pene extinctam, ad pristinum
suum vigorem reducendam requiritur, minus jam præ-
stolabitur, quid me hanc in rem adferre conveniat,
cum, quid in eadem ab unoquoque eorum, qui meden-
di Artem, officiaque profitentur, fieri necesse sit, con-
siderarit. Si enim datur concessu omnium Imperato-
ris belli officia plena esse laborum ac periculorum, quis
inficias iverit, non eadem quoque omnino illi homini
subeunda esse, qui vitam adversa valetudine gravem
redditam, fatiscentemque propediem, ab interitu vindi-
candam in se suscipit; cum eadem prorsus officiorum
ratio, ac periculorum frequentia inter utrumque in-
tercedat. Quemadmodum enim Imperatoris partium
est, dies ac noctes quandoque vigilando extrahere,
pro castrorum statione excubias ponere, ad omnem loci
ac temporis opportunitatem animum advertere, ratio-
ne ac consilio nihil non administrare, vitam ac valetu-
dinem, omni pene tempore in lubrico versantem, parvi-
pendere, si modo hostium aut vim opprimere,
aut consilia evertere, aut insidiis occurrere, & plena-
demum victoria potiri, apud se constituit: ita pariter
illis, qui curam ægrorum in se pro virili suscipiunt, id
præprimis agendum incumbit, ut pro lectis ægrorum
noctes vigilando multam in lucem, dies vero in serum
noctis extrahant; omni morbum oppugnandi occasioni
sint

❀ ❀ ❀

sint intenti; quid interdiu, quid per noctem indiciorum, mutationumve in corporis malo appareat, sagaciter circumspiciant, ac de impendente morbi catastrophe, aut futuro medicamentorum eventu conjiciant; nihil ut agant, quod non e ratione, & consilio sit profectum: vitam denique ipsam ita sibi cum aliis communem potent, ut quantumvis mali, quod oppugnant, contagio ab ægrotis se se afflatum iri pertimescendum foret, nihilo tamen secius ab officio suo discedere minime meditentur. Atque hoc illud est AA. quod ad supra jam allatam Æsculapii fabulam veteres adjecere, ipsum nimirum, postquam remediorum viribus Hyppolitum vivis reddidisset, ab Jove e vita fulmine exturbatum fuisse. Quod nihil aliud omnino fuisse existimandum est, quam Medicos, ubi vitae aliorum in ancipiit positæ consulere pergunt, suæ saepe saepius vitae jacturam facere. Quæ cum ita se habeant, intelligitis jam AA. Divos COSMAM & DAMIANUM summum in homines Amorem præse tulisse, cum ejusmodi fuerit, qui & ad omnes mortales pertinebat, & in maximo eorum bono procurando versabatur, & quamvis in officio non labores modo longe gravissimos, verum præfentissima etiam vitae amittendæ discrimina adire necesse erat, tamen nullum inde lucrum sibi emergere passus fit.

Videamus jam AA. quî Amor ille summus in Tutaribus nostris fuerit interminatus. Rebus in humanis interminatum, judicio omnium, compellare id consuevimus, quod cum viventibus nobis esse nunquam desinit, tum post obitum quoque nostrum superstes adversus quasvis temporis, universa tandem convellentis,



injurias , ac procellas non abolendum perstat , ita publice parta illustrium virorum fama , ita alia interminata audiunt. Amor vero Divorum Tutelarium cum is prorsus fuerit , ut neque , quo tempore inter vivos commorabantur , de illo quidquam remiserint , neque etiam morte ipsa , quæ omnem alioquin rerum humanarum sensum in animis nostris extinguit , ac delet , interruptus fuerit , interminatus fuisse dicatur , oportet. Nam quod ad vitam illorum attinet , quantum ex incorruptis rerum ab ipsis in vita gestarum monumentis eruere licet , nusquam non æquabili amoris memorati vestigia apparent : quin imo plus dicendum est , ea illius vestigia supersunt , ut dubitari non possit , illum ab ipsis vitæ procedentis momentis sua semper cœpisse incrementa. Namque ubi fama celebritasque nominis Divorum per universas urbes percrebuissest , tantus in dies undique mortalium numerus ad ipsos convolabat , ut ad corpus cibo , quieteque reficiendum destituerentur tempore ; neminem tamen omnium repulsam a Divis tulisse accepimus. Quare ita eos animo comparatos esse oportebat , ut cum crescente ægrorum advenientium numero Amor quoque illorum incresceret. Atque hæc de Amore in vita Medicorum Divorum nusquam cessante , unaque jam sui parte , si ita Oratorem loqui fas est , interminato dicta sunto. Quid porro a morte Amor ille dignum posterorum memoria gessit ? dicam AA. postquam , quo facto tandem immortales isti Artis Medicæ Patroni e vis sublati sint , paucis ad Vos retulero. Hic vero mirari subit , quid sit , quod cum Divi Fratres de mortalibus bene meriti , nihil nisi amorem spirantes , vitam ac fortunas in egentium necessitatem elocarunt , repertus tamen sit quispiam , qui ulteriore eos lucis communis usura

❧ ☀ ☘

usura indignos reputaverit; Lysias is fuit, ea tempe-
state magistratum gerens, orthodoxæ Religionis juratus
hostis, qui ubi neque oblata præmiorum magnitudine,
neque immanitate suppliciorum ab illis seu impetra-
re, seu extorquere potuerat, ut ab avitæ Religio-
nis in verum DEUM cultu absisterent, e vivorum eos
numero, pro quorum salute ipsi jam multo ante mor-
tem nunquam detrectarunt, emovit. Quis tunc præ-
ter tyrannum sibi a lachrimis temperavit? infinitus
sim, si dolorem ac desiderium amissorum Divorum in-
ægrorum animis oborta Oratione persequar; ad Amo-
rem revertamur, cuius cum incredibilis sit semper vis
atque efficacia, tum vero vel maxime fuit, dum Di-
vi illi Medici vitam cum morte commutarunt; is enim
nescio qua, vt ita dicam, transmigratione e Divorum
animis astra potentibus in eorumdem corpora, ex his
in saxa denique tumulorum transivit. Quid enim ad
contactum sacrorum corporum primo, tum vero ipso-
rum etiam sepulchrorum non factum est? vel e solo
tumulorum, queis corpora Divorum supposita erant,
attactu, morbis afficti mortales pristinam valetudinem,
novo prorsus atque inaudito medendi genere,
recuperarunt: ibi oculorum usu orbis lumen redditum,
ibi surdorum aures ad sonos patuere: ibi pedibus ca-
pti, relictis fulcris ac vehiculis, ambulandi copiam adepti
sunt. Dies me deficeret, si pergerem. Numquid ergo
Amor Divorum COSMÆ & DAMIANI est inter-
minatus? in vita crevit, a morte non desit.

Quare ut ad metam mea decurrat Oratio, de
Divorum Tutelarium laudibus, quas ex incredibili er-
ga humanum genus Amore ab omni retro memoria

ad

❧ ❧ ❧

ad hæc usque tempora sibi pepererunt , finem dicendi
facio. Impræsentiarum vero ad vos Divi Artis Me-
dicæ Statores reliquum sermonis mei converto. Im-
mortales vobis grates refert universus iste Academicus
confessus , ac præsertim Amplissimus saluberrimæ
Medicinæ Ordo , pro tam singulari in se Patrocinio:
orat autem Vos , atque obsecrat , ut salutarem gene-
ri humano Artem , nunc primum AUGUSTISSIMÆ
nostræ PRINCIPIS liberalitate nullo sæculorum ambi-
tu silenda , in Regnum istud Apostolicum cum summa
omnium bonorum gratulatione , & applausu introdu-
ctam , majoribus in dies incrementis assurgentem , &
novellis suis lætam successibus , potenti Vestra Tutela
adversus omnes temporum injurias fartam tectamque
esse velitis ; AUGUSTÆque DOMINÆ pro tantis ,
queis Artem Soteriam ornavit beneficiis , longævam ,
atque incolumem felicitatem procuretis , tuea-
minor , & conservetis.

